

ALPAFEGURÐ & PORTOROŽ



27. júlí – 6. ágúst 2023
Fararstjórn: Hólmfríður Bjarnadóttir

Sumar 13
Austurríki | Slóvenía | Ítalía | Þýskaland

Ferðalýsing

Einstakt landslag Salzburgerlands í Austurríki er sérlega heillandi á þessum árstíma þar sem allt er í blóma og Alpafjöllin skarta sínu allra fegursta. Flogið er til München og stefnan tekin beint á fjallaborpið Filzmoos í Salzburgerlandi. Þaðan verður farið í spennandi dagsferðir þar sem ólýsanleg náttúrufergurð tekur á móti okkur m.a. í Hallstatt við Hallstättersee sem er með fallegustu stöðum Salzkammergut. Dachstein fjallið bíður okkar og farið er með kláfi upp á Dachsteinjökulinn þar sem við skoðum íshelli, lítum ótrúlegar höggmyndir og njótum stórkostlegs útsýnis. Einnig verður boðið upp á hestakerruferð upp að huggulegu seli þar sem náttúrufergurðin er óviðjafnanleg. Eftir dýrðardaga í Austurríki liggur leið okkar til Rósaahafnarinnar eða Portorož, dásamlegs bæjar í Slóveníu. Á leiðinni verður áð við Bled vatn þar sem við siglum út í eyjuna Blejski Otok. Frá Portorož höldum til Rovinj, listamannabæjar við Istríaströndina en þar úti fyrir er eyjan Sveta Katharina. Siglingin til bæjanna Izola og Piran er töfrandi en þeir eru sannkallaðar perlur Istríastrandarinnar. Einnig sækjum við heim einu hafnarborg Slóveníu, Koper, en hún ber skýr merki um stórveldistíma fyrri alda. Við endum góða ferð með glæsilegum hætti í bænum Sirmione við Gardavatn.

11 dagar | 10 nætur

4 nætur Filzmoos | 6 nætur Portorož



27. júlí | Flug til München & Filzmoos

Brottför frá Keflavík kl. 7:20. Mæting í Leifsstöð u.þ.b. 2,5 klst. fyrir brottför. Lending í München kl. 13:05 að staðartíma. Þaðan verður ekið til Austurríkis, þar sem gist verður í fjórar nætur í litla bænum Filzmoos í Salzburgerlandi. Undursamleg fjalladýrð umlykur staðinn. Á sumrin stundar fólk hér fjallgöngur en skíði um vetur. Á hótelinu er heilsulind og innisundlaug en einnig er sólarverönd á þaki sundlaugarbyggingarinnar, svo hægt er að sitja þar úti í góðu veðri og sóla sig í fjallaloftinu.

28. júlí | Hallstatt við vatnið Hallstättersee

Að morgunverði loknum verður ekin heillandi leið um bæina Lumgöztz og Abtenau til hins draumfagra bæjar Hallstatt. Bærinn og landsvæðið umhverfis hann var skráð á heimsminjaskrá UNESCO árið 1996. Þetta er yndislegur bær sem gaman er að röltu um. Við lítum inn í kirkjuna, sem er með mjög merkilegu, útskornu altari frá árinu 1520 og skoðum grafhýsið sem tengt er kirkjunni. Síðan verður gefinn tími til að njóta þess að vera á þessum dásamlega stað. Eftir það verður ekið til Schladming þar sem áð verður um stund, áður en haldið verður til baka á hótél.



29. júlí | Dachstein & Dachsteiner kláfurinn

Okkar bíður spennandi dagur í dag en farið verður upp á Dachsteinfjöllin, sem er mest sótti ferðamannastaðurinn í Steiermark, enda á heimsminjaskrá UNESCO.

Dachsteiner kláfurinn ferjar okkur upp í 2.700 m hæð, þaðan sem fjallasýnin er mögnuð. Fimm útsýnispallar standa til boða og þeirra á meðal er einn með glergólfi. Sá sem þorir að stíga á þann pall mun sjá hvernig klettaveggur Hunerkogel fjallsins er 250 m lóðrétt niður beint undir fótum hans.

Við munum einnig virða fyrir okkur víðáttumikinn íshelli en þar hafa, auk náttúrulegra ísmyndanna, verið gerðir allskyns skúlptúrar úr meira en tonni af ís, t.d. líkan af Egyptalandi til forna.



30. júlí | Filzmoos & hestakerruferð að Unterhofalm

Þennan góða dag er tilvalið að slaka á í Filzmoos fram undir hádegi og kanna umhverfið í þessum litla bæ. Um hádegi verður boðið upp á ferð með hestakerru upp að Unterhofalm selinu sem er við rætur Bischofsmütze fjallsins en þar er náttúrufegurðin óviðjafnanleg. Þar byrjum við á því að fara í smá göngu um Almsee vatnið og upp að kapellu. Síðan er upplagt að fá sér hádegishressingu og njóta fegurðar staðarins áður er haldið verður til baka.

31. júlí | Bled & Rósahöfnin



Við yfirgefum Austurríki og ökum til Portorož í Slóveníu eða Rósahafnarinnar svokölluðu, þar sem gíst verður í sex nætur. Á leiðinni þangað verður ekið að Bled vatni í Slóveníu sem er með fegurstu perlum Alpanna en þar höldum við í siglingu út í eyjuna Blejski Otok. Þar er hugguleg Maríukirkja með frægri óskabjöllu og landslagið draumkennt. Auðvitað verður tími til að fá sér hressingu og njóta náttúrufegurðar staðarins áður en ekið verður til Portorož. Á hótelinu okkar er

inni- og útisundlaug og einkabaðströnd.

1. ágúst | Frjáls dagur í Portorož

Í dag ætlum við að njóta þess að vera á þessum fagra stað og kanna umhverfið saman. Tilvalið er að nýta sér frábæra aðstöðu hótelsins til afslöppunar en einnig er skemmtilegt að ganga eftir ströndinni eða taka sér sundsprett í Adríahafinu.

2. ágúst | Rovinj & léttur málsverður hjá vínbónda

Á dagskránni í dag er heimsókn til Króatíu sem tekur á móti okkur í allri sinni dýrð. Við ökum til Rovinj, listamannabæjar við Istriaströndina en þar úti fyrir eru 22 eyjar, stærst þeirra er eyjan Sveta Katharina og sést hún vel frá gamla bænum. Við höldum í göngu upp að kirkju heilagrar Euphemíu en þaðan er glæsilegt útsýni yfir þessa litríku, gömlu borg. Einnig munum við ganga niður listamannagötuna og um elsta hluta



bæjarins. Tími gefst til að kanna umhverfið og fá sér jafnvel svaladrykk. Á heimleiðinni verður komið við í Pazin þar sem við snæðum léttan málsverð hjá vínbónda.

3. ágúst | Dagur í Koper & frjáls tími

Nú verður ekið til Koper, fallegs bæjar og einu hafnarborgar Slóveníu. Koper er ein af borgunum sem byggðar voru upp af Feneyjarveldinu og er Titov torgið með hertogahöllinni og borgarturninum skýrt dæmi um stórveldið. Eftir stutta gönguferð verður gefinn frjáls tími til að fá sér hressingu og líta inn í stóra verslunarhúsið sem er aðeins fyrir utan elsta hluta bæjarins.



4. ágúst | Sigling til Piran & Izola



Frá Portorož gefst áhugasömum tækifæri á að sigla til sjávarþorpanna Izola og Piran, sem eru sannkallaðar perlar Istríastrandarinnar. Í Izola stígum við í land í stuttan tíma en höldum svo ferðinni áfram til Piran, yndislegs bæjar sem áhugavert er að skoða. Þar fæddist fiðluleikarinn og tónskáldið Tartini en minnisvarði um hann stendur á hinu glæsilega Tartini torgi. Eins er gaman að skoða Georgskirkjuna sem stendur tignarleg á fallegum stað við ströndina.

5. ágúst | Rólegheit í Portorož

Rólegheita dagur í Portorož og nú er upplagt að nota aðstöðuna við hótelið eða fara í göngu með strandlengjunni, jafnvel yfir til Piran. Í bænum kennir einnig margra grasa menningar- og mannlífs, sem gaman er að kynna sér í rólegheitunum.

6. ágúst | Sirmione & heimferð frá Milánó

Nú er komið að því að kveðja Slóveníu eftir dásamlega daga. Eftir morgunverð verður stefnan tekin á Milánó en á leiðinni þangað verður stoppað í hrífandi bæ við suðurenda Gardavatns, Sirmione. Þar gefum við okkur góðan tíma til að skoða áður en ekið verður út á flugvöll í Milánó. Brottför þaðan kl. 23:00 og lent í Keflavík kl. 01:15 að staðartíma 7. ágúst.



Fararstjóri getur fært dagskrárliði á milli daga eftir þörfum þegar komið er á staðinn.

Verð

326.900 kr. á mann í tvíbýli | 110.400 kr. aukagjald fyrir einbýli.

Innifalið

- ✓ Flug með Ícelandair og flugvallaskattar.
- ✓ Gisting í 2ja manna herbergi með baði.
- ✓ Morgun- og kvöldverður allan tímann á hótélum.
- ✓ Hestakerruferð frá Filzmoos á Unterhofalm.
- ✓ Allar skoðunarferðir með rútu samkvæmt ferðalýsingu.
- ✓ Íslensk fararstjórn.

Ekki innifalið

- ✓ Aðgangseyrir inn í söfn, hallir og kirkjur.
- ✓ Kláfar eða stólalyftur upp á fjöll.
- ✓ Vínsmökkun
- ✓ Hádegisverðir.
- ✓ Þjóf fé.

Valfrjálst

- ✓ Kláfur á Dachstein jökullinn u.þ.b. € 37.
- ✓ Aðgangur í íshöllina u.þ.b. € 10.
- ✓ Sigling út í Blejski Otok eyju u.þ.b. € 13.
- ✓ Aðgangseyrir í Maríukirkjuna u.þ.b. € 7.
- ✓ Sigling til Piran og Izola u.þ.b. € 25.
- ✓ Hádegissnarl hjá vínbónda u.þ.b. € 18.

